

I patruni verji

Parrannu tra iddi
nu cani e nu jattu
si dicivunu, no pari veru,
quantu 'a vita è misteru.

*"Dimmi miciuni caru
quanti surici t'aji manciatu?"*

*E tu fraticeddu cani
quanti ossa t'aji spruppatu?"*

*"Jò sugnu jattu siamisi
e no manciu surici, mancu 'a stufatu.*

*A' mè patruna m'avji viziato
e tegnu puru nu finu palatu."*

*"Macari jò, vadda casu, dissi u' cani,
manciu robba bona e gustusa:
u' mè patruni no vadda spisa."*

*"Ti dicu puru," rispusi u' jattu,
"vajiu macari unni u' parrucchieri,
e pottu 'o coddu na cravatta.*

*No si v` cchjiù ntò carnizzeri
a diri - c'è nenti pa' jatta?"*

*"Raggiuni aji amicu jattareddu,
macari jò chi sugnu nu canuni
tegnu nu 'ran signuri pi' patruni.*

*Pensa tu chi ntà na sfilata
vincjia u' primu premjiu
e na coppa sbaddillata.*

*No 'nni putemu lamintari,
ora regna l'animalismu,
semu nuji i' patruni veri:
no c'è cchjiù nenti i' diri!"*